

يا أبو احسين كعبتين الليلة ناحوا يا أبو احسين

*

في مصيبة داحي الباب العظيمة
الدنيا كلها بفرقته صارت يتيمه
طبرة الراس اشعلت نار الهضيمه

كعبتين الليلة ضجّوا يا علينا يا علينا
قلبة الله الأولى وتّوت وي ونينه
وثنائي كعبة زينب اتنادي الحزينه
مطبرينه
رد اليينه

نسمع اونين و ماتم ابكوفان و مكة نسمع اونين

**

أرفع اچفوف الدعا و دمعي تبده
أنه زينب يا إلهي وعندني نشده
مثل مارذ الشمس حيدر ترده

يا مجيب الما يخيب من كصدله وانتحب له
العيشة من دون الصميدة ابليا ظله ماهي سهله
كلبي ملهوف الوصاله من يوصله له يدلّه

افغد اثنين بويه من بعد البتوله افغد اثنين

**

الكعبة ضجت هالمسية شنهو جاني
هايج ايدي الدمع ركني اليماني
و چني اشعر مختگ محزون اذاني

احواله مختلفه المقام و حاوطه الهم
والنبي اسماعيل حجره چن تهدم
مضطرب فاير اشوفه ماي زمزم
ممتلي بغم
صبري ما تم
منصبغ دم

چن دمعتين عالصفا و المروة تسعي چن دمعتين

*

من رجع مطبور ابوها ويا الاخوان
نزلت ابگلب الزچيه كومة احزان
تسمعه ايون ابنزيفه و دمعه غدران

بوالحسن لجل العقيلة دمعه سايل
وابتدي يوصي ابعلومه و المسائل
شال جفها و حطها بيده انته كافل
گلبه ذابل
لهله باذل
يا بو فاضل

قـرة العـين زينب ابچفك امانة قـرة العـين

تنعى من حسّت رحل عنها ولدها
جمعت ابحسرة اليتامى الكعبة عدها
من رحيله ضاعت ايتامه و مردها

سبعة أشواط الدمع منّ الحبايب لجله سايب
و كل قلب من فرگته هالليلة ذايب بالنوايب
نور أبو الأمة انخسف بدمومه غايب بالتراييب

راحل الـ وين تنعى كافلها اليتامى راحل الـ وين

*

كل ركن بالدنيا ضل ابموتته اينوح
گبره بيّن منحفر يم آدم و نوح
كثرت اجرّوح العقيلة فوگ الجروح

شالوا اجنازة ابوها فوگ الچفوف زينب اتشوف
و الدمع فوق الجنازة منها مذرّوف تسعى وتطوف
نادته و مارّد عليها بنتك اتعوف تبگی بالخوف

غالك البين عني يحزامي ابحياتي غالك البين

**